

浙江文叢

兩浙名賢錄

〔第三冊〕

浙江出版聯合集團
浙江古籍出版社

浙江文叢

兩浙名賢錄

〔第三冊〕

〔明〕徐象梅 撰

浙江出版聯合集團
浙江古籍出版社

兩浙名賢錄卷二十六目次

吏治

漢

蜀郡太守黃聖眞昌

日南太守虞國會孫 附

鉅鹿太守謝堯卿夷吾

武源令楊聖儀扶

小黃令徐敬卿栩

三國吳

零陵太守徐元大陵

子平 附

晉

全椒令孔李

兩浙名賢錄

卷之二十六目次

一

宋齊梁陳

丹徒令沈嘖之

山陰令沈彥章起 附 仲

晉陵太守謝方明

故章令邱德玄寂之

揚州刺史朱長明幼

餘姚令沈伯瑜瑀 附 子 禧

台浦太守陳奉遷修

吳令孔琇之

永嘉守范子玄述曾

邱師 附

山陰令邱公信仲孚

吳郡守沈仲倫君理

弟 附 君

都陽內史陸師卿襄

隋

益陽令蔣景倩邵

傳 附 柔

唐

道州刺史厲文才孫乾 附

魏州司馬孔廣成昌 附 子

廬州刺史羅珣

建州刺史李德新頌

東海尉阮孝郡說

玉山縣丞周玄都諡

五代

睦州吳正臣程

父 附 婉

溫州刺史錢儼

湖州刺史沈韜文

父 附 儼

明州刺史黃晟

宋一

潯州守胡子正則

永嘉令仰仁謙

常熟丞郭慎求三益

湖南安撫使王敬素絲

海州盛使君京

子 附 遵 附 孫

溫州守石聖咨牧之

兩浙名賢錄

卷之二十六目次

二

眞定守沈子謙木

洪州推官錢德循通

順昌令俞仲寬偉

從 附 子

知海門縣沈興宗起

監洪州茶場沈嚴

轉運判官周敦夫師厚

西安令鄭光遠榮

知安吉縣陳安國輔

知邵武軍袁容直毅

子 附 灼

知杭州沈文通遵

監司何子溫琬

上元令元厚之絳

鹽鐵副使錢載陽暄

桃源令姚舜徒華

判潮州沈次仲造

循州守周文之彥質

福建路運判韋子駿驤

將樂令陳君益據

知新昌縣劉德霖滂

知秀州姚令則憲

廣帥周勉仲自強

知海陵趙公舉汝能

仙居縣尉薛彥益朋龜

知成都蕭德起振

上虞令陳宜之炳

三山幕莫叔方琮

子三附

知袁州王與道師心

隆興司法劉方叔鎮

季父附

知長州虞賓

知臨安汪汝直思溫

弟思齊附

知侯官程喬仲樟

通判興國軍蔣仲可行簡

知武康范茂寬溶

知衡州王剛夫琰

兄瑊附

象山簿趙德老彥逾

知浦城朱藻

知宿松徐彥才良能

知江陰貝聖美欽世

知雲都黃退翁邦彥

監登聞檢院袁君載采

兩浙名賢錄

卷之二十六目次

三

知江陰徐希顏綱

元龜年逢年附

休寧宰陳元和曦

孫大震元孫伯鼎附

兩浙名賢錄卷之二十六

東海徐象梅仲和氏讓

四明沈鳳舉靈翼氏閔

吏治

漢共六人

蜀郡太守黃聖真昌

黃昌字聖真餘姚人本出孤微居近學宮數見諸生修庠序之禮因好之遂就經學又曉習文法仕郡爲決曹

刺史行部見而奇之辟從事後拜宛令政尚嚴猛好發姦伏皆稱神明遷蜀郡太守先太守李根年老多悖政

及昌到吏民訟者七百餘人悉爲斷理莫不得所密捕盜帥一人脅使條諸縣強暴之人姓名居處乃分遣掩捕無有遺脫宿姦大惡皆奔走他境遷河內太守徵拜

將作大匠進補大司農左轉大中大夫卒於官

兩浙名賢錄

卷之二十六吏治

一

日南太守虞國

曾孫韻附

虞國餘姚人少有孝行歷官日南太守以化治稱常有

雙雁宿止廳事每出行縣輒飛逐車國卒於官雁逐喪

至姚樓墓上不去至今呼其地曰雙雁國有從曾孫韻

亦守日南稱小虞

鉅鹿太守謝堯卿夷吾

鉅鹿太守謝堯卿夷吾

鉅鹿太守謝堯卿夷吾

鉅鹿太守謝堯卿夷吾

謝夷吾字堯卿山陰人少爲郡吏太守第五倫禮信之舉孝廉爲壽張令永平十五年蝗發太山流徙郡國游食五穀過壽張飛逝不集稍遷荊州刺史章帝駕幸魯陽詔夷吾錄囚夷吾決正一縣三百餘事與上合上歎息曰諸州刺史盡如此朕不憂天下遷鉅鹿太守所在愛育人物有善績第五倫嘗令班固爲文薦之後以行春乘柴車從兩吏冀州刺史上其儀序失中有損國體左轉下邳令夷吾尤善風角占候嘗豫尅死日如期果卒勅其子曰漢末當亂必有發冢露骸之禍使懸棺下葬墓不起墳

兩浙名賢錄

卷之二十六 吏治

二

武源令楊聖儀扶

楊扶字聖儀浦江人爲武源令有惠政人爲之謠曰楊聖儀政多奇官終交州刺史

小黃令徐敬卿棚

徐棚字敬卿由拳人少爲獄吏執法詳平遷小黃令時陳留遭蝗野無遺草過小黃飛逝不集刺史行部奏棚他事棚弃官蝗應聲至刺史媿謝令還舍蝗卽遠去後爲長沙太守

三國吳 共二人

零陵太守徐元大陵 子平附

徐陵字元大龍游人初爲縣吏眾所未識會稽虞翻一見卽與友善歷三縣長所在著稱遷零陵太守時朝廷待以列卿之位故翻書曰元大受上卿之遇叔向在晉未若於今其見重若此子平字伯元童亂知名翻甚愛之諸葛恪守丹陽討山越以平威重有思慮可與効力請爲丞稍遷武昌左部督傾心接物士卒皆爲用初平爲恪從事禮意甚薄及輔政待平益疏後恪被害其子建亡爲平部曲所得平使遣去其篤厚多類此

晉 凡一人

全椒令孔奕

兩浙名賢錄

卷之二十六 吏治

三

孔奕餘不亭侯愉之族父也爲全椒令明察過人時有遺之酒者始提入門奕遙呵之曰人餉吾兩鬢酒其一何故非也檢視一鬢果是水或問奕何以知之奕曰酒重水輕提酒者手有輕重故耳在官有惠化及卒市人若喪慈親焉

宋齊梁陳 共十六人

丹徒令沈囈之

沈囈之吳興人爲丹徒令自以清介不事左右浸潤日至遂鎖繫上方歎曰一見天子足矣上召問曰復欲何陳答曰臣坐清所以獲罪上曰清何故獲罪曰無以承

奉要人上曰要人爲誰嘖之以手板四面指曰此赤衣諸賢皆是若臣得更鳴必令清譽日至上知其無罪重除丹徒令入縣界吏人候之謂曰我今重來當以人肝代米不然清名不立

山陰令沈彥章憲 邱仲起附

沈憲字彥章演之從祖弟子也少有幹局爲駕部郎補烏程令甚著政績太守褚彥回歎美以爲方圓可施武陵王暉爲會稽以憲爲左軍司馬齊高帝以山陰戶眾欲分爲兩縣武帝啟曰縣豈不可御但用不得人耳乃以憲帶山陰令政聲大著孔稚圭請假東歸謂人曰沈兩浙名賢錄

卷之二十六 吏治 四

晉陵太守謝方明

謝方明上虞人伯父邈爲孫恩所殺方明以邈舅子馮嗣之等與恩通謀因結邈門生討嗣之等而手刃之頃之孫恩重陷會稽謝琰見害因急購方明方明於上虞載母妹奔東陽因還寄居國學流離險厄屯苦備經而貞履之操在約無改桓玄克建業丹陽尹卞範之勢傾朝野欲以女嫁方明方明終不回桓玄聞而賞之卽除

著作佐郎以薦爲宋武中軍主簿轉從事中郎仍爲右將軍道憐長史武帝令府中眾事皆咨決之尋加晉陵大守當年終獄中繫囚無輕重悉放歸家使過正三日還到罪重者二十餘人綱紀以下莫不疑懼固諫以爲昔人雖有其事或是記籍過言且當今人情僞薄不可以古義相許方明不納一時遣之囚及父兄竝驚喜涕泣以爲就死無恨至期皆還無一逃者遠近歎服宋武受禪位侍中丹陽尹有能名轉會稽太守江東人戶殷盛風俗峻刻強弱相凌姦吏蜂起符書一下文攝相續方明深達政體不拘文法濶略苛細務在統領貴族豪

兩浙名賢錄 卷之二十六 吏治 五

故鄣縣令邱德玄寂之

邱寂之字德玄吳興烏程人年十七爲州西曹兼直主簿刺史王彧行部夜還前驅已至而寂之不肯開門曰不奉墨旨或方於車中作教然後啟關或歎曰不意郅君章近在閣下卽轉爲主簿遷故鄣令在縣專以廉潔御下一時稱爲良吏

揚州刺史朱長明幼

朱幼字長明義烏人臨海太守汎之曾孫也歷高辛平昌淮陽三郡太守政績懋著遷揚州刺史兼度支使悉心撫字民得其所揚人德而歌之曰朱幼渡江東人安盜賊空課治者每稱爲第一

餘姚令沈伯瑜瑀子續附

沈瑀字伯瑜吳興武康人父昶事宋建平王景素景素謀反昶先去之及敗坐繫獄瑀詣臺陳請得免罪由是知名司徒竟陵王子良引爲府行參軍領揚州部傳從事時建康令沈徽孚恃勢傲瑀瑀以法繩之眾憚其強子良薨瑀復事始安王遙光令瑀專知州獄事湖熟縣兩浙名賢錄

卷之二十六 吏治

六

方山埭高峻冬月公私行侶以爲艱明帝使瑀行修之瑀乃開四洪斷行客就作三日便辦揚州書佐私行詐稱州吏不肯就作瑀鞭之四十佐歸訴遙光遙光曰沈瑀必不枉鞭汝覆之果有詐明帝復使瑀築赤山塘減材官所量數十萬帝益善之爲建德令教人一丁種十五株桑四株柿及梨栗女子丁半之人咸懽悅頃之成林入梁爲尚書駕部郎兼右丞以母憂去職起爲餘姚令縣大姓虞氏千餘家請謁如市前後令長莫能絕自瑀至非誦訴無所通縣南又有豪族百家子弟縱橫遞相庇廕百姓甚患之瑀召其老者爲石頭倉監少者補

縣僮皆號泣道路自是權右屏跡後爲蕭穎達長史瑀性倔強每忤穎達穎達銜之天監八年因入咨事辭又激厲穎達作色曰朝廷用君作行事耶瑀出謂人曰我死而後已終不能傾側面從是日於路爲人所殺多以穎達害焉子續累訟之遇穎達尋卒事不窮竟續乃布衣蔬食終其身

合浦太守陳奉遷修

陳修字奉遷東陽人起家爲穀城令遷合浦太守大著治聲嘗以喪紀之法遍書於鄉使民知習卒於官合浦民懷其德護喪歸葬執紼行數千里無一人言疲者既兩浙名賢錄

卷之二十六 吏治

七

葬哭奠而後去

吳令孔琇之

孔琇之會稽山陰人尚書令靖之孫著作郎靈運之子有吏才事齊爲吳令有小兒年十歲偷刈隣家稻一束琇之付獄案罪或諫之琇之曰十歲便能爲盜長大何所不爲卒論如律一縣肅然遷尚書左丞又以職事知名後兼左戶尚書廷尉卿出爲臨海太守在任清約罷郡還獻乾姜二千斤齊武帝嫌其少及知琇之清乃歎息出監吳興郡尋拜太守政稱清嚴隆昌元年遷晉熙王冠軍長史江夏內史行郢州事明帝欲令殺晉熙琇

之辭不許欲自引決友人陸閑諫之琇之不從遂不食而死

永嘉太守范子玄述曾 邱師施附

范述曾字子玄一字穎彥吳郡錢塘人也幼好學從餘杭呂道惠受五經略通章句道惠曰此子必爲王者師齊文惠太子竟陵文宣王幼時齊高帝引述曾爲之師友起家宋晉熙王國侍郎遷太子步兵校尉帶開陽令述曾爲人蹇諤在官多所諫諍太子與竟陵深相器重號爲周舍齊明帝卽位爲永嘉太守政務清平不尙威猛民俗便之所部橫陽縣山谷險峻爲逋逃所聚前後兩浙名賢錄 卷之二十六 吏治 八

二千石討捕莫能息述曾下車開示恩信凡諸凶黨磔負而出編戶屬籍者二百餘家自是商旅流通居人安業勵志清白不受餽遺徵爲遊擊將軍郡送故舊錢二十餘萬一無所受惟得白桐木火籠朴十餘枚而已梁武帝踐祚以爲太中大夫述曾平生所得俸祿皆以分施及老壁立無資以天監八年卒注易文言及雜詩賦數十篇後有吳興邱師施亦以廉潔稱罷臨安縣還惟有數篋簿書並是倉庫券帖當時以比述曾

山陰令邱公信仲孚

邱仲孚字公信靈鞠從兄也少好學讀書常以中宵鍾

鳴爲限靈鞠常稱爲千里駒齊永明初爲國子生王儉曰東南之美復見邱生舉高第未調還鄉里家貧乃結羣盜爲之計劫掠三吳仲孚聰明有智略羣盜畏服所行皆果故亦不發爲于湖令有能名太守呂文懿當世倖臣陵詆屬縣仲孚獨不爲屈明帝卽位爲曲阿令會稽太守王敬則反乘朝廷不備反問至而前鋒已屈曲阿仲孚鑿長岡埭瀉瀆水以阻其路敬則軍至遇瀆水涸果頓兵不得進遂敗仲孚以拒守功遷山陰令居職甚有聲稱百姓謠曰二傅沈劉不如一邱前世傳琰父子沈憲劉玄明相繼宰山陰並有政績言仲孚皆過之兩浙名賢錄 卷之二十六 吏治 九

齊末政亂頗有贓賄爲有司所舉將見收竊逃還會赦不問梁武帝踐祚復爲山陰令仲孚長於撥煩善適權變吏人敬服號稱神明政爲天下第一後爲衛尉卿恩遇甚厚遷豫章內史在郡更勵清節頃之卒贈給事黃門侍郎喪將還豫章老幼號哭攀送車輪不得前所著有皇典二十卷南宮故事百卷又撰尙書具事雜儀行於世

吳郡太守沈仲倫君理 弟君高附

沈君理字仲倫吳興人父僧叟梁左戶尙書父巡少府卿君理美丰儀博涉有識鑒陳武帝鎮南徐州巡遣君

理致謁深見器重尙會稽長公主及帝受禪拜附馬都尉封永安亭侯爲吳郡太守時兵革未甯百姓荒弊君理總集士卒修飭器械以幹理見稱累遷左戶尙書爲東陽太守以父艱去職歷位太子詹事吏部尙書宣帝以君理女爲皇太子妃贈爵望蔡縣侯位侍中尙書右僕射卒贈翊左將軍開府儀同三司諡曰貞憲弟君高字季高少知名性剛直有吏能位衛尉卿平越中郎將都督廣州刺史甚得人和卒諡祁子

鄱陽內史陸師卿襄

陸襄字師卿揚州別駕閑之第四子起家著作佐郎昭

兩浙名賢錄

卷之二十六 吏治

十

明太子聞襄業行啟武帝引與游處除太子洗馬遷中書舍人並掌管記書爲揚州中從事以父終此官固辭不許聽與府司馬換解居之復爲太子家令以母憂去職襄年已五十毀頓過禮太子憂之日遣使誠諭大通七年出爲鄱陽內史先是郡人鮮于琮服食修道法常入山採藥拾得五色幡氎又於地中得石璽竊怪之琮先與妻別室望琮所處常有異氣益以爲神大同元年遂結門徒殺廣晉令王筠號上願元年署置官屬其黨轉相誑惑有眾萬餘人將出攻郡襄先已率人吏修城隍爲備及賊至破之生獲琮時隣郡豫章安成等守宰

案其黨與因求貨賄不得其實或有善人盡室罹禍襄郡枉直無濫人作歌曰鮮于抄後善惡分人無橫死賴陸君又有彭李二家先因忿爭遂相誣告襄引人內室不加責諍但和言解喻之二人感恩深自悔咎乃爲設酒食令其盡歡同載而還因相親厚人又歌曰陸君政無怨家關既罷讐共車在政六年郡中大甯擢爲度支尙書侯景圍臺城以襄直侍中省城陷還吳一夜憂憤而卒襄弱冠遭家禍釋服猶若居憂終身蔬食布衣不聽音樂口不言殺害五十年侯景平追贈侍中封餘干縣侯

兩浙名賢錄

卷之二十六 吏治

十一

隋 共二人

益陽令蔣景倩

傳柔附

蔣邵字景倩婺之浦江人爲益陽令攘虎卻蝗民蒙其惠遷洪撫二州刺史時同邑傅柔字仲席令宣城無爲而治謳歌載路官終鄂州刺史同邑而有二循吏一時仕路以爲楷模

唐 共八人

道州刺史厲文才

孫乾曜附

厲文才東陽人貞觀初爲道州刺史南土未靖賊寇猖獗臨郡朞月羣盜悉平甚著威愛改容州刺史雅好山

水每興至獨往若不知有簪組在身者未幾竟解綬歸
孫乾曜高尙有祖風

魏州司馬孔廣成昌寓 子祖舜附

孔昌寓字廣成越州山陰人梁侍中休源之六世孫也
貞觀中以對策高第歷魏州司馬有治狀帝爲不置刺
史爲政三年璽書褒美進膳部郎中子祖舜字奉先官
監察御史以累下除成武令雉馴於庭人以比漢之魯
中牟父子相繼爲循吏說者謂山陰孔氏家傳有宦譜

廬州刺史羅珣

羅珣會稽人實應初詣闕上書授太常太祝曹王臯領
兩浙名賢錄 卷之二十六 吏治 主

江西荆襄節度使署珣幕府遷副使臯卒軍亂劫府庫
珣取首惡十餘人斬以徇環棘庭中俾投所劫庫物一
日皆滿乃貰餘黨召爲奉天令中官出入輦道吏緣以
犯禁珣榜笞之雖死不置自是屏息擢廬州刺史修學
官政教簡易有芝草白雀之祥再遷京兆尹請減平糴
半以常賦充之人賴其利以老疾求解徙太子賓客累
封襄陽縣男卒諡曰夷

建州刺史李德新頻

李頻字德新壽昌人少秀悟工屬辭於詩尤所長舉進
士遷武功令畿民多籍神策軍吏以其橫類假借不敢

繩以法頻至有神策士尙君慶逋賦六年不送頻卽械
送獄盡條宿惡請於尹殺之豪猾大驚屏息奉法縣大
治有六門堰者厥廢五百五十年方歲饑頻發官廩庸
民浚渠按故道廝水溉田穀以大稔懿宗嘉之擢侍御
史守法不阿徇累遷都官員外郎表乞建州刺史旣至
以禮法治下更布條教時政亂盜興而建賴頻以安卒
官喪歸父老相與扶柩葬永樂州爲立廟梨山歲祀之

東海尉阮孝郡說

阮說字孝郡奉化人通開元禮穀梁春秋不徒習其辭
動有程法海右士舉襲其淳風父穀爲太子右贊善大
兩浙名賢錄 卷之二十六 吏治 主

夫舉進士一不第卽以父任爲太廟齋郎歷臨黃東海
尉東海有父子異居者子不爲養說使人問之對曰無
以奉也遺之肉米且以其贏資之其子卒悔悟克孝尋
調婺州法曹參軍累遷大理評事先是湖湘好鬼歲取
室女爲人牲積以成俗女之父母亦惑於巫言聽命恐
後說乃命縛老巫數輩若將就屠者眾皆叩頭祈哀乃
杖巫長而遣之期後不悛悉以巫赴令令當面祀宜得
厚福邑里蒙化積習遂除後以員外司勳尙書郎挂冠
歸里與里中謝徵士栗臺二三名士徜徉以終

玉山縣丞周玄都說

周諗字玄都奉化人歷官玉山縣丞州牧廉其材每使推勘疑獄諗飲水勵操夙夜檢勘以副知已遂以苦心遭疾卒

五代 共六人

知睦州吳正臣程 父蛻附

吳程字正臣山陰人父蛻大順中登進士累官禮部尚書程初以父廕不事苦學或謂程曰觀子骨法與羣儒類但恨他日登將相不長談論耳程遂勤學錢鏐選婚於士俗以女妻之元瓘襲國命程知睦州深達治體與民休息時雖重歛而程結以恩信民皆樂輸無怨言尋兩浙名賢錄 卷之二十六 吏治 古

拜丞相授威神節度使軍政嚴肅卒諡忠烈

温州刺史錢儼

錢儼吳越王之子初爲威武軍節度使移温州刺史洞曉政術吏不敢欺政尚寬惠民悅慕之後移蘇州民有携家從之者號隨使戶

湖州刺史沈韜文 父攸附

沈韜文吳興人父攸常州刺史韜文性介潔好學能屬文吳越時爲元帥府典調參畫軍務有所裨益出牧鄉郡以爲湖州刺史以清白自勵雖時當擾攘不爲習俗所移親戚閭里皆帖然服其不私

明州刺史黃晟

黃晟鄞人時盜賊竄起授晟爲散騎常侍明州刺史討平隣寇保護鄉井境內以安晟尤能禮士江東儒彥多依之築其居號曰措大營

宋一 共五十九人

潯州守胡子正則

胡子正字正少偶儻負氣初吳越間不設貢舉儒風爲息則獨蒐經史屬文辭及歸宋遂登端拱二年第踐更中外凡四十七年初爲僉書貝州節度觀察判官公事命行河北路省去民冗役幾十萬數守潯州虎爲患則兩浙名賢錄 卷之二十六 吏治 五

禱之城隍翌旦得死虎於廟中提舉江南銀銅場鑄錢監按丞豐監得匿銅數十萬斤咸以羨餘籍之不復坐主吏活宜州重辟九人奏減福唐官田數百頃估鈔領三司使不以刻下爲功福唐前郡將被訟去官事連其所延蜀儒龍昌期及則下車昌期械至則釋之而見以賓禮自以俸金償其所當入官錢則篤風義臨事得法外意輕財尙施不爲私積世多稱之則本婺人凡再牧杭州加兵部侍郎致政退居西湖與交親笑歌浩如也卒年七十七葬錢唐初則守陳州范仲淹爲倅則以國士遇之故其卒也仲淹實銘其墓

永嘉令仰仁謙

仰仁謙吳興人以太子舍人知永嘉廉慎有容撫民如子時錢氏方歸疆土仁謙始爲邑令政事一新人爲改觀

常熟丞郭慎求三益

郭三益字慎求海鹽人與父琢皆舉進士三益爲常熟丞才高有器識常平使者調蘇湖常秀潯青龍江分地程役三益所部前期告辦使者留其人使助他邑三益曰非法也使勤者助役何以警情竟引歸後累官刑部尙書同知樞密院事

兩浙名賢錄

卷之二十六 吏治

六

湖南安撫王敬素絲

王絲字敬素蕭山人眞宗時舉進士任興國軍司理辯重辟十有一人郡稱神明秩滿除台州軍事判官州少井人病之絲陶土爲筒引山泉入城每五里一穴以濟行者旋判衢州有惠政外臺移領婺州衢州人爭於境上曰我州一鑑何爲見奪至發雪民冤抑民爭肖像而祀之拜御史會湖南蠻叛攻郡縣詔絲安撫湖南至則咨察利病而前帥立重賞以誅蠻人一級萬錢士卒往往戕樵餉者以爲功絲下令得賊首者必指其聞地以爲質其可擒者當生致之是自無枉戮者終尙書兵部

員外郎

海州盛使君京

子遵甫孫仲孫附

盛京餘杭人咸平元年登進士第歷官諫議大夫出守江甯以老乞便郡詔移海州天資仁厚不忍以法繩下而吏民化服亦不忍欺在官民愛旣去民思仕終工部侍郎後十年子遵甫以光祿丞通判海州歲旱發公私藏粟以廩民全活甚眾又設方畧捕奸盜發輒得又四十餘年遵甫之子仲孫以朝奉大夫守海州暮年大治邦人有盛使君家兒世世循吏之稱

温州守石聖咨牧之

兩浙名賢錄

卷之二十六 吏治

七

石牧之字聖咨新昌人第進士試校書郎移天台令有能名時王安石知鄞陳古靈知仙居號江東三賢最後知温州有母訟子逆者牧之爲勸諭卒成孝子鹽城時有海寇牧之募壯士時訓諫寇不敢犯爲民興利剗弊溫人甚德之所著有往生錄易論解雜文歌咏共七卷

眞定守沈子謙木

沈木字子謙崇德人第進士宰石城汀寇猖獗邑豪熊子開溫老虎等爲寇鄉導巡尉司妄指同姓者捕之木察其非是破械使捕子開等邑境遂安擢守眞定民有以田多賦少告訐其仇者木謂東西無疆界冒占者眾

不可勝詰亟懲遣之有建議籍民所據官田爲屯可以富國經制司委州根據株連六七百家未曰此事行則變生矣亟以前牘上之議遂寢邊民大悅

洪州推官錢德循通

錢適字德循浦江人自少強敏記問過人登熙甯九年進士調洪州推官守將王韶由樞府出威重異常僚屬不敢仰視會有疑獄適正色爭之至怒詈不少奪後卒如適議遷通判越州吏挾守爲奸留難訟者常數百人適攝府事纔二日獄爲一空擢殿中侍御史出提舉湖北常平興利除害發奸摘伏風采凜然人畏之如神明

兩浙名賢錄

卷之二十六 吏治

五

天

尋進中丞爲言者所論出知外郡歷滁宣秀越四州沈者久之大觀初復故職以疾致仕家居十餘年修築三大湖以利鄉民民德之宣和二年方臘陷婺城適避兵蘭谿靈泉寺爲盜所害事聞贈太中大夫

順昌令俞仲寬偉

從子充贈

俞偉字仲寬鄞人宰劍南之順昌閩人生子多者皆不舉建劍尤甚偉作戒殺子文召父老列坐廡下以俸置醪醴親酌之使歸勸鄉人活者以千計生子多以俞爲字朝廷爲立法行之一路偉嘗被差他郡還邑有小兒數百迎於郊部使者聞於朝降詔獎諭進秩再任許出

粟以賑其募卧而貧者從子充字公達以著作佐郎遷檢正後除天章閣待制知慶元府時環州有田與夏國相連終充任檄所部以時耕種虜不敢犯屬羌山夷嘯聚背叛充授第二將張守約籌筭且招且討有入夏國者三百戶充又遣守約耀兵塞上夏人亟歸以者條上勸賞買馬之法騎馬頓增慶兵素玩恩充繩以法軍始肅然未幾暴卒

知海門縣沈興宗起

沈起字興宗鄞人慶曆二年進士第調滁州判官監真州倉聞父病委官歸侍以喪免有司劾其擅去終喪薦

兩浙名賢錄

卷之二十六 吏治

五

天

書應格當遷仁宗曰觀過知仁今由父疾致罪何以厚風教而勸人子乃特遷之知海門縣縣負海地卑潮間冒民田舍民徙以避棄其業起爲築隄百里引江水灌溉其中田益闢民相率來歸立祠以報御史中丞包拯舉爲監察御史京東歲饑盜起除提點刑獄至則開首贖法携其伍盜內自啖疑轉相束縛惟恐後改開封府判官爲湖南轉運使凡羽毛筋革舟楫竹箭之材多出所部取於民無制吏挾爲姦起會其常用自與商人貿易所省十六七召爲三司鹽鐵副使遷陝西都轉運使慶州兵變起討平之入知吏部流內銓奉使契丹位著

乃與夏使等起曰彼陪臣耳不當與王人齒辭不就列遂陞東朝使者自是遂爲定制拜天章閣待制知桂州時交趾歲時侵擾起治舟師習水戰銳意攻討交趾故與內地貿易悉禁止之邕州守蘇緘力陳不便起劾緘沮議徙知潭州後交趾大舉兵陷邕廉白四州起坐首議邊失計謫郢州團練使未幾徙越又徙秀州卒

監洪州茶場沈嚴

沈嚴德清人大中祥符八年蔡齊榜進士初監洪州武甯茶場兼領縣事吏畏其廉民懷其愛及卒貧不能葬太守滕元發爲葬於德清之永和鄉范仲淹銘其墓

兩浙名賢錄

卷之二十六

吏治

三

轉運判官周敦夫師厚

周師厚字敦夫鄞人皇祐五年進士仕至朝散郎荆湖南路轉運判官時役法方行師厚言四方風俗不同役有勞逸輕重不宜槩賦朝議是之章惇聞溪峒蠻擾辰沅二州議輸常平粟以備邊師厚持不可曰溪獠靜擾無常常平歲入有程當使邊卒廣屯田爲便卒從其議

西安令鄭光遠榮

鄭榮字光遠壽昌人幼聰敏有才思力學不厭七歲能綴文登天禧三年進士第天聖初奉使契丹嚴毅威重虜深敬憚之使回眞宗曰使於四方不辱君命今見其

人矣授崇甯令以外艱去服闋起知衢之西安廉能才幹深得民心卒官民撫柩攀號護其喪還葬爲立去思亭於境上

知安吉縣陳安國輔

陳輔字安國象山人登嘉祐二年進士知安吉縣活流民千餘人會攝他縣民遮道乞留使者王介曰安吉甯可無陳令耶卒反之朝廷以戶高下分爲七十五等輸役錢翰林沈括察訪二浙俾輔掌其事遂以其法行浙東輔少貧刻意問學夜置足水中以警寢蚤以文詞擅場屋東明劉溫奇之使其子槩師焉後槩試禮部第一兩浙名賢錄

卷之二十六

吏治

三

知邵武軍袁容直

子灼附

袁穀字容直鄞人登嘉祐六年進士第少以詞賦得名始試於鄉再試開封皆第一嘗言于公治獄多陰德使我持三尺獄甯有冤者乎爲尉建安令杭州南新青州錄事參軍所治獄無不盡其情部使者二十人交薦之知邵武軍條鹽法利害以便民奏減其課郡人祠之徙處州未幾告老所著有韻類一百卷行於世子灼進士第官至尙書倉部郎中守婺州武臣曹宗姻黨數犯法

灼械於獄斃之宗怒鑄其秩後爲倉部以清心省事安不忘危爲言甚切直黜知泗州

知杭州沈文通遺

沈邁字文通錢塘人以蔭爲郊社齋郎舉進士廷唱第一大臣謂已官者不得先多士乃以邁爲第二通判江甯府歸奏本治論仁宗曰近獻文者率以詩賦豈若此十篇之書爲可用也除集賢校理修起居注遂知制誥坐事出知越州徙杭州爲人踈雋博達明於吏治令行禁止民或貧不能葬給以公錢嫁孤女數百人倡優養良家子者奪歸其父母善遇僚案皆甘樂傾盡爲之耳兩浙名賢錄

卷之二十六 吏治

三

目刺閭巷長短纖悉必知事來立斷禁捕西湖魚鰲故人居湖上蟹夜入其籬間適有客會宿相與食之巨詣府違迎語曰昨夜食蟹美乎客笑而謝之小民有犯法情稍不善者不問法輕重輒刺爲兵姦猾屏息召知開封府遷龍圖閣直學士治如在杭州蚤作視事逮午而畢出與親舊還往從容燕笑沛然有餘暇士大夫交稱其能拜翰林學士判流內銓丁母憂英宗閱其去賁黃金百兩仍命扶喪歸葬廬墓下服未竟而卒年四十世咨惜之

監司何子溫琬

何琬字子溫龍泉人皇祐進士七歷監司神宗疏其名於屏曰政事何琬文章葉濤除龍圖閣學士王荆公蘇東坡有詩倡和

上元令元厚之絳

元絳字厚之錢塘人登進士第調江甯推官攝上元令民有號王豹子者豪占人田畧男女爲僕妾有欲告者則殺以滅口絳捕置於法甲與乙被酒相毆擊甲歸臥夜爲盜斷足妻稱乙告里長執乙詣縣而甲已死絳勅其妻曰歸治而夫喪乙已伏矣陰使信謹吏迹其後望一僧迎笑切切私語絳命取僧繫廬下詰妻姦狀卽吐兩浙名賢錄

卷之二十六 吏治

三

實人問其故絳曰吾見妻哭不哀且與傷者共席而襦無血污是以知之安撫使范仲淹表其才擢知永新縣豪子龍聿誘少年周整飲博以技勝之計其貲折取上腴田立券久而整母始知之訟於縣縣索券爲証則母手印存弗受又訟於州於使者擊登聞鼓皆不得直絳至母又來訴絳視券呼謂聿曰券年月居印上是必得周母他牘尾印而撰僞契續之耳聿駭謝卽日歸整田轉知海門擢江西轉運判官知台州大水冒城民廬蕩析絳出庫錢卽其處作室數千區命人自占與期三歲償費流者皆復業又暨其城因門爲牖以禦湍漲後人

守其法入爲度支判官儂智高反以直集賢院爲廣東轉運使軍食有餘以功遷工部郎中歷進翰林學士知開封府拜三司使參知政事坐子耆甯累罷知亳州乞改額明年加資政殿學士以太子少保致仕絳所至有威名而無特操少儀矩然工於文辭爲流輩推許雖在中書而省吏書詔猶出其手卒年七十六贈太子少師諡曰章簡

三司鹽鐵副使錢載暄

錢暄字載陽惟演之子任郎官知開撫台三州有治績除少府監又知鄧州爲三司鹽鐵副使時勾考諸路逋兩浙名賢錄

卷之二十六 吏治 酉

租兩浙轉運使當坐負暄因對從容爲言逋租不入以頻年饑故今使者祇罪必亟歛恐民不堪惟稍寬乃可集得免出知鄆州除賣文閣待制卒暄素好學通達治體所至不爲赫赫名而旣去見思十二子內景臻封康國公尙仁宗女許國大長公主生榮國公忱忱生參政端禮端禮孫左丞相象祖自有傳

桃源令姚舜徒

姚舜字舜徒慈谿人登熙寧九年進士第歷尉掾以考第薦章應格改秩爲桃源宰承虐政後訊民之疾苦而振雪之郡將怙威凌僨吏屬邑悉苦舜毅然爭論郡將

爲之少戢旁郡有訴不平必丐於部使者付舜決之鄉有虎患以文禱諸社越三日虎仆祠旁奏課爲天下第一部使者舉舜學行優異才能顯著以應元符之詔賜對稱旨除提舉成都府路常平等事陞辭上諭以卿任桃源有愛民之心退謁丞相論蜀道利疚乞以義倉之儲置吏立法收養鰥寡老幼死給衣裳官爲斂葬歲薦饑間有遺兒請雇傭乳之丞相爲奏行焉除直龍圖閣知夔州興學校勸農桑有古循吏風卒之日夔民罷市聚哭於牙門外計聞桃源民卽舜生祠爭出錢聚僧道薦奠其爲民所思如此

兩浙名賢錄 卷之二十六 吏治 壬

判潮州沈次仲

沈造字次仲縉雲人以進士歷官通判廉直不阿一心民事故隨在有美頌初知漳浦海寇作亂將及境聞造有政聲卽引去曰毋驚沈公及判潮時有韓山神歲須男女以祭歷政畏憚之修饗不敢後時造焚其廟毀像得巨蛇殺而烹之凶祀遂絕議者以方韓昌黎之驅魃云造卒潮民相率聚哭祠下三日始去工書善文章有文集二十卷胡權評其書似歐陽率更而清勁過之

循州守周文之彥質

周彥質字文之江山人以進士第歷官循州守治民以

教化爲本民以訟至庭者先諭以禮義然後折其是非無不涕泣悔罪而去久之民以訟爲耻蒲鞭遂懸而不試蘇軾以默化名其堂官終發運使所著有齊峰集行於世

福建路運判章子駿驤

章驤字子駿錢塘人生而警敏年十七以文謁王安石大奇之曰吾行江南入吳越見文士惟子與董顥耳由是名藉甚每一賦成學者傳誦登進士第累遷至屯田員外郎主少府監簿以薦擢利州路運判移福建時年饑議請賑貸驤曰閩去京師往反數千里今民朝不

兩浙名賢錄

卷之二十六 吏治

五

及夕上書待報是冠冕從容以救焚溺也乃檄州縣發庫而請違法之罪於朝閩寇阻險爲數州患吏畏怯爭言宜招納驤曰是爲民稔患耳因處畫斬捕方略咸就捕部內肅然召爲主客郎中出爲夔路憲知明州提舉洞霄宮卒年七十三驤秀眉冰骨樂易靜退孝友廉平文章藻麗復以政事彰聞率德勵行有宿儒循吏之風有文集二十卷賦二十卷

將樂令陳君益攄

陳攄字君益鄞人元祐三年進士紹聖間宰南劍之將樂敦崇學校獎進士類政尙愷悌先是邑民家舉一子

富室不過二子餘悉棄之攄至諭以天性申以令甲犯者窮治自茲民無不舉子者男以陳名女以陳氏後卒於官邑人祠而祀之遇旱禱雨輒應隣境淫雨亢暘乞靈祠下咸遂所祈部使者請於朝賜廟額曰旌福

知新昌縣劉德霖滂

劉滂字德霖武義人自少誦說輒能屈其師登大觀己丑進士調知新昌縣縣俗嗜鬪令到輒移病去以他吏攝之滂臨以誠未幾稱治雖旁邑訟不能決者多請就滂決之蔡京與滂祖爲布衣交滂至京師京曰吾故人

兩浙名賢錄

卷之二十六 吏治

五

間京疑其訕已屬滂踪跡之且遷官滂曰此胡爲及我哉京聞之不悅滂亦拂衣去坐是十年不調建炎中起知建昌軍舊守威權不立兵習驕悍邀求無度滂至一以法繩之兵不勝憤持戟入市掠人物卽拒者刺傷之滂捕繫追償兵遂爲變滂與母妻皆被害滂好學善屬文與人交始終如一聞有急傾財赴之居官疾惡如仇毅然不可回奪以及於難朝廷旣誅始亂者復用御史言褒滂爲朝議大夫

知秀州姚令則憲

姚憲字令則嵎人以父舜明任補海鹽丞惠利及人後